

左恪靖侯奏稿續編

恪靖奏稿續編卷十六目錄

奏報旋陝日期及會籌調度摺

陝省西北兩路剿賊獲勝摺

劉端冕截剿董志原竄回續獲大勝片

劉厚基進剿清澗兩獲大勝成定康克獲奇捷片

奏報旋陝日期及會籌調度摺

奏爲恭報微臣旋陝日期及會籌調度情形仰祈

聖鑒事竊臣於九月二十七口孟津渡河後按站遺行

沿途得各路軍報知回土各匪雖肆鴟張而各路布置
既得地勢將領復極一時之選大局穩固差可無虞私
懷稍慰十三日行抵西安庫克吉泰劉典率同副都統
司道各員跪請

聖安畢臣晤商一切連日會籌軍事調度軍食而甘肅

提督高連陞署漢中鎮總兵李輝武道員黃鼎魏光燾

聞臣西還各自防所來見稟商軍事臣比逐一詳詢益知劉興運籌之審陝西全局東北延榆綏一帶爲甘肅土匪所侵擾人數甚多潰勇游勇飢民居其大半亦有甘回附麗其中西南敗回盤踞董志原老巢號稱十八營其地本甘肅甯州轄境北接慶陽南連邠鳳東北直達鄜延陝回而外甘回漢回之嗜亂無歸者漢民之被脅從教者亦屬雜其中合計兩路回土各匪人數近二十萬幸將士一心每戰皆捷斬馘過當

皇威暢而人心定大局應可無虞所有近時各軍獲勝

情形謹會銜馳報見與劉典熟議乘勝進逼分途剿辦
以速戎機高連陞一軍分營進駐廟莊楊家店一帶周
紹濂一軍分營進雙柳樹魏光燾一軍由張村進王家
角以漸達慶陽劉端冕一軍仍駐鄜州甘泉以扼東西
關鍵此爲中北路之兵調吳士邁全軍赴鳳翔與黃鼎
邠州之軍張岳齡喻步蓮汧隴之軍李輝武寶雞之軍
相聯絡臣復調步隊兩營馬隊八營赴鳳翔預備會剿
此爲西南路之兵兩路皆所以剿回也吳士邁劉端冕
旣剿收楊馬諸回酋鄜州洛川甘泉肅清劉厚基成定

康既剿敗高李諸土匪延長延川青澗綏德亦漸有肅清之望臣現調郭運昌所部卓勝馬步八營由同州韓城赴宜川以進延長適郭運昌累得寒疾甚重行至同州馳稟請假現令提督蔡光武代領其軍二十三日始拔營前進其劉松山全軍現在洛陽整理尙須時日臣擬飭其由茅津渡河入山西乘冰橋赴陝以期周密現據韓城縣稟禹門以上冰橋早成雖晉防今歲增兵修堡守禦較嚴土匪伎倆遠不如捻然臣親承慈諭剿賊須由東而西不敢不慎益加慎其榆林有金

順之馬步十二營改兵爲勇四營兵力本不爲單惟金順所部終須移駐靖遠一帶頃接張曜稟初九日始由汴啟行計抵榆林尙須月餘非俟張曜到後金順不能移赴靖遠且所部英禮十營慮不足恃也此東北路北路之兵尙待綢繆者

臣

前疏請增歸綏之軍未荷

俞允竊慮終須稍留

聖意頃據黃鼎面稟董志原回巢所需百貨近從金積堡遠自歸化城轉販而來土年包頭地方曾有回逆買馬之事似所稟未盡無因大抵陝甘之患未平歸綏之

防斷不宜弛以蒙兵緣營駐防之兵均難深恃而地當
京畿右臂設險宜先前明宣府大同邊防並重良非無
故也伏乞

聖慈曲垂鑒納臣所帶親兵一營後路五營吉林馬隊

三起現結營西安城西擬俟各軍到防河東之餉提到

再相南北兩路緩急赴之至回土各匪聞臣軍回陝亦

頗懷震懼現據各路稟報有移巢者有乞撫者然皆未

足信惟當不執成見慎以圖之以求仰紓

聖慮所有會籌布置情形謹據稟馳

奏伏乞

皇太后

皇上聖鑒訓示謹

奏同治七年十月二十六日

陝省西北兩路剿賊獲勝摺

奏爲陝省西北兩路各軍連日剿賊獲勝現籌防剿各情形恭摺仰祈

聖鑒事竊陝甘各軍攻剿靈台涇州一帶竄賊獲勝該逆敗退董志原並分股竄擾宜川地境撥營剿辦各情形業經臣庫克吉泰等陳報九月二十一日洛川守將劉竹田訓知回騎數百竄至龔家原之葫蘆河劉竹田率輕騎擊之二十二夜直搗葫蘆河賊巢克之躡追至王家河賊勿回拒官軍奮威衝殺斬悍賊十餘騎而還

二十九日賊騎數千由甘泉府村竄入直趨勞山分股
竄及麻子街提督劉端冕所部分防甘泉道左舖之左
營總兵銜副將劉士祈聞警率隊至老人倉擊之斃賊
不少逆勢頓挫仍由原路竄去少頃大股復從麻子街
蜂擁而至劉仕祈留總兵陳光明率三成隊守營派該
營後哨列隊河溝防後路自率親兵及三哨七成隊出
擊正酣戰間另股逆騎出餘忽繞由對岸山溝衝至駱
駝原將後哨重疊圍裹劉仕祈一面飛報鄆州請援一
面率隊回救而山後騎步各賊併勢壓下又圍劉仕祈

隊劉仕所縱橫血戰猛氣甚厲賊欺其單旋却旋進弁
勇傷亡已多劉仕所身帶十餘創猶手刃悍賊數名力
竭而殞其前哨哨官留陝泰將曾恒勝並游擊魯桂德
把總謝文泰均因翼蔽劉仕所植立不移同歿於陣弁
勇陣亡者七十餘名是日劉端冕探悉大股竄至鄆州
城北二十里之劉家岔一帶率中後兩營往剿中途得
劉仕所急報卽令副將喻先知率後營從榆林橋徑趨
道左備見該逆正圍攻左營壘卽麾所部衝殺圍解
賊遁復併力而前急趨劉仕所戰所則已無及矣劉端

冕將含口村賊擊敗後率所部合隊追剿至麻子街斬
殿後賊十數名生擒七名據供此股回逆係余馬兩偽
帥率眾五萬分作三股一攻鄆州一竄延安一竄宜川
等語訊畢斬之劉端冕令後營暫駐道左舖自率中營
回鄆城十月初二日回逆大股分竄開撫鎮廂西鎮馬
蹄莊舊縣等處分防舊縣之總兵凌默發堅守舊縣城
堡逆不得逞逆騎數千竄至牛德鎮將趨鄆州劉端冕
聞報飛飭駐道左舖之左後兩營准備俟該逆回竄麻
子街卽出隊截擊一面督率中前兩營及馬隊赴鄆截

剿行十餘里遇逆騎數千飛奔而來馬隊向前衝殺斬
悍賊十餘名賊瞥見我軍步隊大至卽回馬狂奔劉端
冕督隊猛追將近牛午鎮該逆大股列陣平原意圖拒
敵我軍抬陣以進始以劈礮向賊聚處轟擊斃賊百餘
名繼以洋鎗連環迭進戰十餘回合擊斃悍賊十餘名
該逆漸却官軍奮威衝殺賊益不支遂向英汪鎮鼠竄
而去劉端冕仍率隊回廊此九月二十九十月初二等
日劉端冕剿賊獲勝情形也其由英汪鎮竄至吉子峴
之賊已及洛川屬之交口河一帶提督周紹濂率中後

兩營於初三日馳赴鞍子頭會合所部左營扼之交口
擊敗之賊復分兩股遁去其一股竄赴洛川東北兩鄉
圍攻樂安金牌草地各寨適臣劉典調赴洛川剿賊之
員外郎銜中書吳士邁先日起到縣境旋令禮營哨官
都司李耀卿等率隊赴援草地民寨令副將謝盛楠率
義營援黃章民寨令游擊余清勝率智營援金牌民寨
令副將劉竹田率鎮西營提督銜邱時成率馬隊叅將
劉厚福率仁營援樂安民寨初三日卯刻分四路而進
劉竹田等行近樂安寨忽聞該寨已於先日被賊攻破

劉竹田卽率所部直撲南門寨中踞逆方列械抵拒因見仁營與馬隊由左右抄出恐斷後路遂盡棄糧畜由北門竄去旋復勒馬擁眾拒敵劉竹田劉厚福邱時成等三面夾擊斃賊多名賊遂北竄謝盛楠余清勝至黃章金牌等寨賊望見旂幟亦卽解圍北竄李耀卿等至草地該逆正在環攻民寨各路敗賊併集一處李耀卿大呼陷陣賊勢披靡且戰且走少頃仁義智營與馬隊鎮西各營蹣踪追至洛川縣知縣王浩鄜州州判周貴庠各督團丁亦到四面夾擊斃賊多名奪獲糧畜甚夥

該逆由舊縣一帶竄去我軍追至田家村忽據探報東鄉有回騎數千亦在圍攻民寨遂令收隊回援適東鄉槐柏塔子坪五十村童張彭溪北頃南頃各寨民人來營請援吳士邁卽留邱時成馬隊與鎮西營留防北路兼顧糧運令仁義禮智四營於初四日赴東鄉進剿行六十餘里至槐柏寨已近黃昏該逆聞風均退向塔子坪一帶塔子坪距槐柏十五里北頃距槐柏二十五里南頃距槐柏三十里爲該逆回竄必由之路遂傳令二更造飯三更出隊維時總兵朱德樹知縣張遂生率信

誠兩營隊伍亦至遂分三路進剿禮仁兩營進剿塔子
坪義營與知縣王浩率團丁進剿北頃信誠兩營進剿
南頃智營伏於南頃三里外之溝口並派親兵兩哨伏
於溝口左右五更時五營齊撲大小鎗礮連環轟擊聲
震山谷逆賊倉皇失措莫知所之轟斃焚斃墮巖谷冒
樹石而斃者不計其數其由各路竄遁之賊甫近溝口
復經智營伏兵邀擊鮮得脫者計斃賊紛二千有奇奪
獲馬騾千餘匹洋鎗二十三桿生擒四十三名訊明斬
之其各路糧畜先派同知李謙升知縣蕭啟基從九羅

日章縣丞曾貴和分督親兵四處收集隨傳就近各寨民自行搬取糧食認領耕牛當時未經認領者卽交洛川縣散給貧農惟戰馬騾驢留賞兵勇此十月初三四等日吳士邁一軍剿賊洛川克獲大勝之情形也其由吉子峴退竄者初四日提督周紹濂飭副將周玉林率隊赴安子頭與左營合駐初六日逆騎數百竄至石家峴大股數千聚踞古樓村周紹濂卽夜令副將劉甫田率右營於初七日出隊石家峴令前左兩營總兵董玉春及周玉林各率所部取道阿當寨由右路直趨古樓

村除留隊守中部城外自率中營督同叅將毛正明率後營中右後三哨取道王村由左路進赴隆防令總兵李良穆分率後營前左兩哨扼伏王村要隘以防石家峴竄逆周紹濂抵隆坊時前左兩營已與該逆接仗兩路列隊鎗礮環攻該逆漫山遍野躍馬衝撲周紹濂率中營四哨由右向古樓村包抄前進飭毛正明率所部及守備周崑率中營後哨由左進維時前左兩營已擊斃當先悍逆十餘名落馬賊見我軍左右抄出各弁勇銳氣百倍進戰愈力總兵趙興雲副將陳高華都司周

曙良各率隊於右路奮勇衝突而前毛正明下馬挺矛
殺入副將劉鳳舞游擊周雲吉守備周崑率隊隨之兩
路鎗礮交轟賊益不支紛向馬鞍村原路竄去計其斃
賊三百餘名會雪勢愈勁山路凝滑收隊而返此十月
初七日周紹徽剿賊中部獲勝情形也同時竄擾西路
者回酋馮阿渾郭阿渾張萬寶馬正和馬長順馬文舉
等十月初一日由董志原糾黨內犯竄至隴州陽家河
一帶連亘四五十里初三日直逼城下鹽運使銜試用
道候補知府喻步蓮率所部義勝三營截擊該逆且戰

且走一股萬餘人由隴城西走曹家灣折竄州南白家
河朝天坡等處一股七八千人由隴城東走折竄州南
蘇家灣臨林川八渡等處並分屯杜陽迤邐下趨悍騎
駛至距汧陽二十五里之寇家河而自隴城南竄之賊
尙紛至未已甘肅臬司張岳齡慮上良朝那之賊由新
集鎮迸犯大灣領派叅將胡弼武帶隊馳赴龍頭伏龍
等堡以遏闌入馮坊河之路復督各營扼剿於寇家河
初五日八渡之賊竄擾新街鎮零騎擾至寶雞之縣頭
鎮初六日道員魏光燾率馬步七營馳赴汧陽會同張

岳齡進剿初七日出隊行至草碧灘遇賊騎擊之返奔
忽大雨如注將士衣履盡濕遂暫駐稍憩是日署漢中
鎮總兵李輝武亦由寶鷄防所率部馳抵新街初八日
大雪難行探報回逆有由上良東趨者李輝武恐其乘
虛闖入寶鳳仍率隊回寶鷄張岳齡等訶賊尙踞隴境
初九日雪止乘霧進抵杜陽查探該處係逆酋張萬寶
所帶聞風宵遁其自入渡竄出者因官軍攔截仍伏山
中未刻各營抵隴州與義勝各營連絡分路探防諸賊
以官軍大集先後乘夜出竄自南而西距州城十餘里

如繩如蟻絡繹不絕知府喻步蓮獲賊探據供馮馬各酋原擬飽掠後由杜陽草碧分隊回巢不料官軍大至祇得傍州城奪路夜竄喻步蓮密派勇丁二百名潛伏要隘截之斬獲頗多初十日卯刻張岳齡率所部出西門至溫水溝見該逆滿布川原馱糧絡繹向西北楊家河一路而走斷後騎賊三千餘人一見官軍卽齊隊衝突張岳齡派副將李獻厚知縣鍾顯謨率中營從右進總兵黃儲寶州判唐楚榮率左營從左進總兵蕭賞謙府經歷余修鳳率右營從平頭原下擊親督知縣余家

珍帶親兵繼之道員魏光燾派總兵吳禮德周勝元各率馬隊踵至張雨翼包抄該逆分途抗拒都司張佐廷率十餘騎首先突陣轟斃馬賊多名叅將陳清輝左手受矛傷力戰不退吳禮德等馬隊奮勇抄截平江營劈山礮中轟逆勢不支紛紛敗潰然猶時散時聚奔而復戰正在追殺間忽把關口橫出一股前來迎敵喻步蓮繼至整隊當之總兵蕭羣魁擊其左叅將龔曉亭擊其右叅將劉寶元敵其中喻步蓮自率撫標馬隊及中營親兵緊相策應該處深溝陡岸逆騎不能馳騁亟以排

礮轟之逆眾擁擠白相踐踏我軍齊隊進擊該逆棄械
狂奔劉寶元率馬勇跟追約三里許爲該逆伏騎所困
總兵蕭羣魁等率哨弁游擊張金榜千總彭雲開外委
魯大元策馬赴援步隊續至該逆始大敗而逃於是恪
靖馬隊逐北谷中平江義勝各營蹣跚原上遇賊卽殺
伏屍縱橫雪地爲赤直至距城四十餘里之李家河蘇
家園始行收隊魏光燾於先夜五更率武威升奇各營
出隊向南原潛伏天色甫明該逆果由山內蜂擁而來
爲數不下萬餘伺其過半卽率伏兵齊出截擊該逆猝

不及防紛紛驚潰立斬四十餘名羣逆忽齎聚併力轉
關我軍列陣逼剿鎗礮齊施悍黨下馬持矛猛撲各將
士奮力相搏鏖戰逾時升用提督左日升總兵于奇洋
同副將石茂林陳家貴游擊張清和千維槐等各手刃
數賊該逆敗近河岸猶敢回拒升奇兩營協力奮擊賊
乃大敗左日升等追殺二十里至米家山魏光燾督武
威中後兩營追至玉村川逆酋立馬橫刀喊黨死鬪魏
光燾飭總兵熊道瀛泰將王致和由小路抄賊之後泰
將何昌梓由大路擊賊之前兩面夾攻游擊魏紀奎率

親隨馬隊陣斬賊酋一名賊盜震駭追殺三十里至余家堡沿途擒斬賊黨日晩始行收隊張岳齡自楊家河折回州城南抵太平堡得悉武威等軍獲勝追奔遂列陣南原至此始行會合收隊回營尙恐南山內外餘匪伏匿爲患張岳齡等於十一日督同各營官帶隊分路入山搜捕均有擒斬隴州境內一律肅清是役計共殺賊二千有奇生擒三百五十七名奪騾馬千數百匹拋棄糧食填塞道路均任窮民收取訛據擒賊供稱逆酋聞大軍十萬西來亟圖廣擄畜糧爲分巢抗拒之計因

窺隴州兵單可以飽掠不料鳳郡汧寶各軍迭集致受此挫訛畢分別斬釋此十月初四初七初九初十十一等日張岳齡魏光燾喻步蓮等剿賊大獲勝仗之寔在情形也所有此次尤爲出力之總兵雄勇巴圖魯黃儲寶留江補用總兵蕭賞謙請

賞加提督銜總兵銜留陝補用副將節勇巴圖魯李獻厚請以總兵仍留陝西補用花翎湖南補用都司張佐廷請以游擊仍歸湖南遇缺卽補藍翎運同銜遇缺儘先選用知縣鍾顯謨請以同知儘先選用同知銜藍翎

州吏目補用州判唐楚榮請補州判後以知縣遇缺卽
選升用提督補用總兵左日升提督銜補用總兵于奇
泮均請

旨交部從優議敘福建簡放總兵肇勇巴圖魯吳禧德
福建儘先補用總兵熊道濱均請

賞加提督銜補用總兵周勝元兩湖儘先補用副將陳
家貴均請

賞給勇號留閩儘先補用副將石茂林請

賞加總兵銜卽選叅將何昌梓花翎儘先補用叅將王

政和副將銜儘先補用叅將劉洪勝均請以副將儘先
補用福建補用游擊張清和花翎湖南補用游擊魏紀
整均請以叅將仍留原省補用花翎儘先補用游擊干
維棟請以叅將儘先補用總兵蕭羣魁副將銜四川補
用叅將龔曉亭副將銜叅將劉寶元均請

賞給勇號副將銜儘先叅將嚴昭順請以副將儘先補
用叅將銜儘先補用游擊張金榜請以叅將儘先補用
並加副將銜藍翎千總彭雲開請以守備儘先補用儘
先外委魯大元請以把總儘先補用並

賞戴藍翎以昭激勸其力戰捐軀之總兵銜儘先補用
副將劉仕祈人素樸勇遇賊大股蜂擁而至縱橫血戰
力竭捐軀深堪憫惜應請

旨交部照總兵例議卹留陝補用叅將曾恒勝游擊魯
桂德把總謝文泰力衛主將卒以身殉應請

飭部照例議卹以慰忠魂所有西北兩路官軍獲勝情
形謹合詞馳陳伏乞

皇太后

皇上聖鑒訓示施行謹

奏 同治七年十月二十六日

劉端冕截剿董志原竄回續獲大勝片

再正拜摺間復接統領楚軍前路記名提督劉端冕稟報初九日詢知洛川逆回經吳士邁擊敗後復回竄邠州境袁家寨開撫鎮廂西鎮等處夜攻寨堡劉端冕卽飭總兵陳光明率中前左三營三成隊伍留防邠城近隘飭右營及鎮西營於初十日馳赴替縣會剿親率中前兩營由相思鎮前進午刻馳抵舊縣謨報賊尙踞袁家寨開撫鎮未動適大雪紛飛頃刻盈尺官軍亦難前

進是夜四更雪止出隊十一日卯刻抵袁家寨比飭右營鎮西營繞高原下扼賊東竄中前兩營從正路進馬隊列高原上防賊包抄天明直逼寨前賊聞鼓聲大震倉卒出寨拒敵官軍奮威衝殺立斬悍回百餘賊騎因雪擁山徑顛蹶不前官軍併力蹙之窘而東趨適遇右營鎮西營從寨東兜剿而上鎗礮齊轟斃賊不少賊向開撫鎮北竄官軍乘勝躡追沿途擒斬尤眾是夜收隊袁家寨四鼓出隊十二日黎明擊之開撫鎮鏖戰三時追戰十餘里斬賊四百級生擒賊目羅平兒等十七名

賊向屈家灣英汪鎮一路遁走劉端冕慮其將由勞山
麻子街道左舖舊路歸巢飭右營鎮西營仍回原防自
率中前兩營於十三日回廊飭駐甘泉之後營准備截
擊十四日戌刻賊果由麻子街道左舖兩路回竄十五
日中前兩營及馬隊五更出隊十六日甫抵道左舖賊
正搶渡官軍薄之溺斃中流者無數其由麻子街竄出
之賊經後營截擊擒斬亦多計劉端冕一軍十一十二
十五等日三戰其陣斬悍回千餘名奪獲糧食牛驢旂
幟鎗矛無數訊據生擒賊目等供回酋楊文治馬生彥

等擬攻韓城作巢穴聞大軍自同州來遂決計西竄
巢十二日開撫鎮之戰楊文治左脅中礮子傷未知其
死活也據此則由鄜甘東竄回逆疊經痛剿兇鋒亦少
挫矣所有劉端冕一軍截剿董志原東竄回逆續獲大
勝情形謹附片陳明伏乞

聖鑒謹

奏

同治七年十月二十六日

劉厚基進剿清澗兩獲大勝成定康克獲奇捷片
再陝西延綏一帶甘肅土匪董福祥李登等不時出沒

股數甚夥除扈彰一股業於延安就撫外餘皆四出竄擾巖谷之間蜂屯蟻聚號稱十餘萬游勇潰卒黨附之者計亦不止數千據延榆綏鎮總兵劉厚基稟報由延安赴榆林署任行抵清澗訶知土匪於縣境攻寨掠食勢日狍猖遂擬駐營搜剿九月二十五日謀報縣城東北四十里有土匪大股圍攻師家溝一帶民寨甚急劉厚基卽派隊分道馳援副將李作福鄴登科都司姚發義先進乘其不備擊之斃賊二三百名羣匪敗退郝寨王寨圍解追過一山大股馬步各匪蜂擁而至劉厚基

令總兵田玉廣提督王雲字游擊陳國珍分三路齊進
親率馬隊繼之叅將李恒勝張正喜鄧萬盛等首先陷
陣立斬賊目數名賊勢稍卻劉厚基縱馬衝擊號鼓齊
鳴三路畢集鎗砲止刀矛接賊屍遍野官軍奮威衝殺
銳氣百倍敗賊擁擠墮崖墜澗者無算逐北至師家溝
復前追十餘里始收隊還計其斃賊千餘名生擒三百
餘名奪獲馬騾驢千餘頭牛羊糧食甚夥訊據匪目李
玉青余貴保供此股匪目爲匪首高福祥所統之李雙
良李棟均甘肅固原州人此次由綏德州之雙湖峪入

訛畢斬之是夜探報另股回眾正在九里山掠食剿敗之匪已到曹家溝圍與合勢攻掠民寨劉厚基卽令各營向九里山進二十七日卯刻抵奧林寺分遣王雲孚游擊陳國珍先由左右山路急繞賊後田玉廣由中路迎擊馬隊繼之鄧萬盛及清澗縣知縣趙聿灝帶練勇扼各隘口匪眾聞官軍且至率黨向前抗拒劉厚基度王雲孚等已出其後親督中路馬步各隊併力進擊正鏖戰間陣後鎗礮齊震匪眾知官軍已繞出其後倉皇紛竄官軍四面縱擊遇賊卽斃計其斬賊千餘名生擒

百餘獲騾馬二百餘匹追過曹家溝二十里至柱腰坪
乃還此九月二十六七等日劉厚基進剿清澗土匪兩
獲大勝是在情形也署綏德州知州道銜知府成定康
緘報九月二十八九等日董福祥李登等率眾數萬句
結回酋馬天喜突犯州境成定康得報後密率所部三
營隊伍伏於田莊鎮之薛家寨初一日黎明大股驟至
成定康出其不意磨所部三面截擊賊駭而奔官軍鎗
礮刀矛並進霎時賊屍枕藉並生擒馬天喜計其殺賊
四千有奇奪賊騾馬二千有奇克獲奇捷其詳細情形

尚未據稟報然成定康曾在臣宗棠軍營辦理營務有年習知其血性過人素好奇計信其所陳非妄也初四日劉厚基飭陳國珍王雲孚及副將胥榮富迎擊慕家河掠食之匪斃匪數百生擒匪目陳永思等七十五名奪獲旂幟軍械數百件騾驢四百餘匹初六日搜剿柴家坂攻寨之匪匪眾解圍鼠竄劉厚基於初八日進紮德州所有東北路剿匪疊獲大勝情形謹據寔馳陳伏乞

聖鑒謹

奏同治七年十月二十六日

同治七年十一月初三日內閣奉

上諭左宗棠等奏官軍分路剿賊迭勝請將出力陣亡員弁懇恩獎勵賜卹一摺甘肅鞏志原踞賊分股竄擾陝西鄜州洛川中部各境經提督劉端冕周紹濂中書吳士邁等先後截剿連日獲勝其竄擾西路賊匪直逼隴州亦經臬司張岳齡等督率各軍協力奮擊殺賊二千餘名生擒三百餘名奪獲騾馬千數百匹隴州境內一律肅清剿辦尙爲得手仍著左宗棠等督飭各軍乘

勢進剿迭掃賊氛此次尤爲出力之總兵黃儲寶蕭賞
謙均著賞加提督銜副將李獻厚著以總兵仍留陝西
補用都司張任廷著以游擊仍歸湖南遇缺卽補知縣
鍾顯謨著以同知儘先選用州判唐楚榮著俟補州判
後以知縣遇缺卽選提督左日升總兵于奇泮均著交
部從優議叙總兵吳禧德熊道濱均著賞加提督銜周
勝元著賞給勝勇巴圖魯名號副將陳家貴著賞給鋒
勇巴圖魯名號石茂林著賞加總兵銜叅將何昌梓王
政知劉洪勝均著以副將儘先補用福建游擊張倩和

高南遊擊魏紀釜均著以叅將仍留原省補用遊擊于
維槐著以叅將儘先補用總兵蕭羣魁著賞給勛勇巴
圖魯名號叅將龔曉亭著賞給傑勇巴圖魯名號劉寶
元著賞給彰勇巴圖魯名號嚴昭順著以副將儘先補
用遊擊張金榜著以叅將儘先補用並賞加副將銜千
總彭雲開著以守備儘先補用外委魯大元著以把總
儘先補用並賞戴藍翎陣亡之總兵銜副將劉仕祈著
交部照總兵例議卹叅將曾恒勝遊擊魯桂德把總謝
文泰均著照例議卹該部知道欽此

軍機大臣 字寄同治七年十一月初三日奉

上諭左宗棠等奏陝省西北兩路剿賊獲勝情形並劉
端冕截剿董志原東竄回逆續獲大勝及東北路剿匪
獲勝情形暨該大臣抵陝籌度軍情鄭敦謹奏賊犯河
干越河擊退飭兵勇嚴防各摺片已明降諭旨將陝省
出力之總兵黃儲賢等獎敘陣亡副將劉仕祈等議卹
矣此次劉端冕吳士邁等軍擊敗腳州洛川等處竄回
周紹廉擊敗中部賊匪張岳齡等擊敗隴州等處竄匪
其由腳東竄回逆復經劉端冕截剿大勝延綏一帶土

匪亦經劉厚基成定康進剿獲勝鄜州等處已經肅清
延長等州縣亦漸有肅清之望左宗棠行抵西安著與
庫克吉泰劉典會商調度乘此得手之際督軍分途進
剿所有高連陞等軍卽著照該大臣所擬調撥扼紮以
資分剿陝省土回各匪雖以董志原爲淵藪而北塹高
樹嶺等處有回匪窺伺河干當此冰橋已結尤當加意
截其東竄之路歸綏一帶防兵不多朝廷亦深慮其地
廣兵單第恐淮軍前往扼紮人地不甚相宜著定安等
隨時酌量情形如果兵力不敷防剿卽奏明於風土相

宜地方酌調官兵前往鎮攝陝省窺伺河干之匪已經
官軍擊退難保不狡焉思逞總兵馬陞本係專防河保
一路現在添調官兵千名卽著鄭敦謹督飭該總兵認
真梭巡遇賊卽擊並著嚴飭陳湜在中路巡防不得稍
有疏忽張曜一軍已抵汾境儘古鄉有警准其酌留數
營以厚兵力宋慶前已赴豫著李鶴年仍遵前旨催令
該提督統率所部迅速入晉扼紮汾州一帶毋稍延緩
郭寶昌現在患病自應暫行調理前據英翰奏稱郭寶
昌傷疾已愈添兵助剿卽著吳坤修催令剋期赴陝並

著李鶴年檄令星夜過行沿途勿稍耽延該提督素稱
勇敢諒不肯稍有逗留也陝西土回各匪雖有畏懼乞
撫各情該將領等亦同心剿賊但當不執成見以收寔
效左宗棠久在軍中熟悉情偽必能調度合宜以副委
任也將此由六百里諭知左宗棠庫克吉泰定安鄭敦
謹李鶴年劉典桂成並傳諭吳坤修知之欽此

恪靖奏稿續編卷十七目錄

各路獲勝並分由山西兜剿先固河防請

米捐局收捐正印各項官階懇展限一年片

老湘全軍餉項欠缺雜款無著請

飭兩江督臣照

舊支解摺

軍餉匱缺請

旨飭催以維大局摺

官軍剿賊連勝摺

奏遊擊丁大洋勇額多缺請

旨正法片

各路獲勝並分由山西兜剿先固河防摺

奏爲各路擊賊獲勝現籌剿辦並分由山西兜剿先固河防仰祈

聖鑒事竊陝西西北兩路剿賊獲勝十月十五日以前戰事業經會銜馳報所有署綏德州知州成定康十月
初一日大破田莊鎮薛家寨回土各匪已據其緘報馳
陳嗣接成定康續稟詳細情形悉與緘報無異初六月
土匪頭目李雙良瞰延榆綏鎮總兵劉厚基將赴綏德
妄圖截取輜重襲攻劉厚基留駐田莊之提督王雲孚

營壘初七日大股回土各匪恠擁倏至王雲孚出隊攻擊衆寡不敵爲賊所敗憑壘固守賊衆數萬肉薄壘外併力環攻一晝夜不退王雲孚誓死拒守鎗矛殲賊甚多而弁丁傷亡者已數十計遣人於薄暮由賊中穿出去赴綏德求援成定康聞警傳令飽食出隊卽夜三鼓親率所部及都司殷忠廷由華家灣進飭喻先恕戴光明由子柏灣進約銜枚卽走度行近田莊見火箭上射卽併力猛進卻者斬將近五鼓距田莊約四五里聞鎗礮聲緊知賊攻壘甚急火箭上射兩路並進又二里山石

斜徑旁通飭殷忠廷設伏谷口防抄尾之賊成定康所部與左路衝殺而出賊見援軍逼近果分股自斜徑抄來殷忠廷扼之斃賊數十名騎賊先敗成定康及喻先恕戴光明兩路奮威衝殺天明劉厚基所遣援軍游擊李萬盛亦至王雲孚見援軍四集率所部從壘中躍出各營併力環擊銳氣百倍追殺二十餘里斃賊二千餘名奪獲馬匹旗械無算自此痛勦之後綏德州附近六七十里地方已無賊蹤其雙湖峪三皇苑老巢之賊移踞周家嶺李家河兩處時分股竄擾清澗米脂縣境

十月二十六七等日成定康率各部營進駐綏德吳堡
交壤之義合鎮賊望風而竄成定康以米脂清澗尙有
賊出沒州城未可解嚴仍卽收隊回州二十九日署吳
堡縣知縣呂懋勛報有馬步賊衆數千回竄縣屬霍家
溝應牛寨兩寨旋被攻陷成定康適患寒疾立飭福建
候補同知陳瑞芝率各營由義合鎮進剿十一月初一
夜師抵應牛溝殷忠廷突襲寨後斬關而入斬賊數十
級賊倉皇出走寨外各營挺矛攢刺斃賊極多初二日
黎明乘勝進圍霍家溝寨亦一鼓而下其詳細情形尙

未據稟報惟同時清澗縣亦有賊攻撲成定康之軍仍
須返旆而南急援清澗此綏德一軍連獲大勝實在情
形也其延安東北一帶時有甘肅土匪竄擾十月十二
日記名總兵劉厚基幫帶刑部主事周瑞松調知賊圍
攻劉家寨甚急是日由府城拔隊行八十里抵何家寨
卽夜五鼓潛師急進行至距劉家寨五里溝口遇賊奪
其瞭望大旗殺賊三名行里許有賊二三百列隊川口
官軍大呼衝入立斬數十級生擒匪首呂興福等七名
餘皆紛潰劉家寨之危遂解乘勝整隊前進行過一山

騎賊五六百飛奔迎戰副將黃超羣陳振贊等躍馬陷陣立斬賊目一名而奪其馬訛據生賊知騎馬賊目係偽營官李霸四川潰卒也羣賊喪膽鼠竄官軍長驅疾追前途遇賊六七千劉厚基飭礮隊分起轟擊斃騎賊五名賊皆奔潰復整隊歷之羣賊因山險路仄擠墮巖澗者不計其數日暮收隊計共陣斬三十餘名生擒數十名奪獲騾馬七十餘匹牛驢三千餘頭餘賊遁回定邊縣新城老巢劉厚填等以距延安甚遠收隊回郡此延安一軍擊賊獲勝情形也甘泉鄜州地居陝西北路

之中爲董志原回逆東西奔竄衝要記名提督劉端冕
率所部駐鄜派副將喻先知率後營填紮甘泉以資扼
截十月三十日探報甘泉屬之高家哨靈溝各有由董
志原出竄丁賊約六七千人突至圍撲城垣二鼓賊至
喻先知率弁勇憑城以待昏夜鎗礮轟擊賊知有備卽
時引還黎明輕騎復至喻先知出城迎擊斃賊數十名
賊仍卻退而遠望塵氛大起知三有大股至一面收
隊回城一面馳告劉端冕迅速赴援初一夜看又復至
城下呼噪攻撲留陝副將喻經魁副將黎恩齊周紹濂

及各弁勇植立垛口開鎗礮轟擊賊不知多少其悍賊冒死攀梯及頭頂板片登城者甫及垛口輒經官軍揮刃砍下賊氣益沮然猶在近城窺伺未遽退也黎明城南角聲隱隱頃刻劉端冕率馬部大隊夾河馳至城上歡聲雷動劉端冕如賊猶未遁卽傳令管帶前營留陝知縣邵杜上大和山趨立路自率中營趨右路鼓聲起整隊猛進賊駭而退奔喻先知開城出隊復從北路截之三路併力窮追至高家哨乃合收隊計是役共斃賊七八百名生擒王虎兒等二十一名軍前正法餘賊

分竄洛川白水澄城地界適道員魏光燾遵前檄率所部由鄜州進王峽角行至蒲城尋蹤掩擊臣宗棠亦飭提督蔡光武帶卓勝馬步全軍由韓城出宜川截其乘冰束竄之路而與魏光燾收夾攻之功賊知大軍四集遠從澄城雷原鎮遁去此甘泉殺賊解圍實在情形也其另股回逆同時竄犯邠州麟游蔓及汧隴署隴州知州喻兆圭稟十一月初四日已刻州西之亭口一帶突來騎賊數百直衝至大佛寺里許之七里灣道員黃鼎所部新捷營迎剿鏖戰良久擬保千總張吉珍陣亡弁

勇傷亡數名游擊何占元馳往策應賊欺官軍甚單直
前搏戰正相搏間適存城各營隊伍踵至賊卽曰南原
竄去黃鼎飭副後營及馬隊蹣蹌緊追初八日抵拜河
賊方攻太白堡見軍掩至卽解圍竄竄初九白追至雷
堡則賊已由亭口竄去矣其竄擾汧陽者甘肅臬司張
岳勸飭參將胡弼武擊之初九日遇賊黃高灣伏兵突
出首先刺斃紅衣賊一名落馬胡弼武率隊急擊斃
賊多名追至邱家莊收隊此邠州汧陽擊賊獲勝情形
也竊維西陲兵事東北延榆綏一帶土匪董福祥李登

等股及甘回蘇阿渾等不時竄擾近日賊蹤偏注米脂
葭州迤北神木府谷地界西南自鄜州以至邠鳳陝回
不時竄擾而甘回亦有時附入其中賊蹤雖蔓延千數
百里人數尙多至二十餘萬然屢敗之餘勢均衰蹙如
山西能扼其東趨甘肅能扼其西竄則秦軍分途勦辦
亦無難就地殲除所慮各口兵力難齊賊匪乘虛輒入
將有防不勝防剿不勝剿者臣等謹就目前籌畫情形
分別陳之秦之東北所恃黃河天險與晉共之今歲永
橋凝結較早晉軍備多力分誠恐百密一疏貽誤大局

諭旨飭張曜由河曲保德渡河以入榆林宋慶由德渡
河入晉扼汾州晉之西防固已嚴密計張曜此時可以
馳抵河保矣惟宋慶尙無人晉之期臣宗棠前檄劉松
山馬步全軍由陝州茅津渡河入晉徑赴汾州乘冰渡
河入陝據劉松山呈報十二月至軍始克渡畢計此時
可抵平陽一帶其到汾州在宋慶之前將飛檄劉松山
到汾後於河之西岸擇地駐紮廣購軍糧一面探聽北
路一帶軍情自酌進止如河保進南晉防穩固則乘冰
橋壯緩德榆林進剿否則北向以赴茂機此軍以固晉

爲王不必以赴陝爲急也其宋慶之軍可由太原北趨
甯武朔平一帶爲歸綏後勁如歸綏有警亦可就近赴
之汾防既有劉松山兼顧則宋慶似可無庸駐汾應請
飭下山西撫臣傳諭宋慶酌量辦理以期均布周妥其
陝回十八營踞葭州原爲老巢食竭力殫四出剽掠其
求撫也每以無糧爲詞而於如何安插永遠不侵不叛
一切事宜未能據實傾吐各路探稟回衆有北竄金積
堡西竄甘肅之議近亦有移眷口入平涼者臣等前摺
所籌布置情形原爲逼巢會剿起見現正籌商安營遞

運軍糧然後併力前進乃爲穩慎秦中用兵之難迥異
他方者以此大致以杜其北竄爲要不能保其必不北
竄也所有各路戰勝及現籌布置情形謹合詞馳
奏伏乞

皇太后

皇上聖鑒訓示施行謹

奏
同治七年十一月十一日

軍機大臣
字寄同治七年十一月二十八日奉

上諭左宗棠等奏各路擊賊獲勝現籌布置情形鄭敦

謹奏沿河擊退竄匪並請飭未慶毋庸入晉各摺片覽
奏均悉綏德延安等處土回各匪疊經成定康劉厚基
各軍勦擊殲斃甚多賊勢漸已衰蹙左宗棠檄令劉松
山一軍由陝州茅津渡河入晉徑赴汾州並以未慶一
軍北趨甯朔爲歸綏後勁所籌甚是著卽飭令劉松山
於到汾後擇地駐紮先固晉防並探听軍情自酌進止
該軍餉項本日已諭知馬新貽等照舊措解矣張曜不
久卽抵榆林自可與金順會商戰事惟黃河冰橋早結
秦之東北仍應力籌兼顧扼賊東趨著左宗棠庫克吉

奏劉典迅飭劉端冕等分途追擊痛殄逆氛使不得乘
機北竄其踞董志原之陝回食竭求撫能否就地安插
並著該大臣等隨時酌辦沿河賊股分竄永甯大甯等
處隨經晉軍擊回難保不乘隙偷渡仍著鄭敦謹督率
在防將士及沿河各地方文武於河水未泮之前晝夜
梭巡見賊卽擊不准稍有疏虞宋慶現已由豫起程該
軍行抵晉境時該署撫當懍遵前旨卽令該提督統率
所部徑赴歸綏以資厚集郭寶昌軍需餉方殷未便任
其久待鄭敦謹仍飭該藩司按月籌發不必以蘇餉抵

解致有缺乏其江蘇月協山西餉銀一萬兩已諭知馬
新貽等按月發解歸綏地方緊要定安等當就現有兵
力妥爲堵禦一面咨令馬陞加意嚴防俟神機營所撥
各隊到綏卽會同杜嘎爾相機進擊用靖邊陲將此由
六百里各諭令知之欽此

米捐收捐正印各項官階懇展限一年片

再陝西捐餉局章程前陝西撫臣奏准變通推廣米捐
州縣兩項陝局暨各省陝西分局均准收捐以一年爲
限滿卽停止嗣臣宗棠以甘省糧餉奇絀奏准援案辦

理米捐於陝西湖廣等省分途設立甘省米捐局道府
州縣五項官階及捐免迴避坐補歷俸在任候選捐免
引

見降革人員捐復軍營保舉文員分發後報捐指省等
項均准赴甘捐各局上兌仍以一年爲限滿卽停止均
先後飭局遵辦在案頃據陝甘捐餉局兼辦甘省米捐
局司道詳稱陝捐於六年十一月初一日開局甘捐於
六年十二月初二日開局現在一年限屆而捐項毫無
贏餘兼之大兵雲集需餉浩繁秦隴地方連年兵燹錢

糧薪稅均不足恃全賴捐輸挹注若道府州縣等項一
概停止是用款愈增餉源愈涸應請將道府州縣等捐
展限一年仍俟限滿即行停止等情前來臣宗棠臣典
會核無異合無仰懇

天恩俯念陝甘軍務正殷餉萬難准將道府州縣五
項及捐免迴避各項甘局再行收捐一年州縣兩項陝
局再行收捐一年以裨餉糈而維大局謹附片會陳伏
乞

聖鑒施行謹

奏同治七年十一月二十二日

軍機大臣奉

旨戶部議奏欽此

老湘全軍餉項欠缺雜款無著請飭兩江督臣照
舊支解摺

奏爲劉松山老湘全軍餉項欠缺雜款無著請

旨飭下兩江督臣照舊解支以符定案事竊臣欽奉同

治七年十月二十三日

上諭曾國藩奏老湘全軍餉項仍歸江蘇接濟英翰等奏

籌撥西征軍餉酌定轉運章程各摺片劉松山所統老
和營餉項向由江南供支該軍現在西征所有餉項自
應仍歸江蘇接濟卽著馬新貽丁日昌每月協撥該軍
餉銀六萬兩以資飽騰欽此欽遵在案當卽恭錄行知
該軍去後茲據統領老湘軍廣東愷路提督劉松山將
該軍應需額餉摺應領雜項臚列欸目呈請核辦前來
臣查劉松山原部步隊十七營馬隊兩營每月應需額
餉六萬四千五百兩而新添之壽字馬隊三營步隊一
營不在此數今江蘇協撥該軍餉銀月六萬兩以該軍

提督原部計每月卽缺額餉四千有奇合新添馬步四營所缺額餉計之則每月缺餉一萬五六千兩至帳棚車輛爲軍營所必不可少該軍帳棚一項向章由金陵糧臺給價自行製辦計每營每年更換一次應領制錢八百二十餘千該軍老湘十營棚價自同治七年正月起和厚兩營棚價自同治六年正月起副前旗棚價自同治六年六月起副中左右後四旗棚價自同治六年五月起壽字前營馬隊棚價自同治六年十一月起續設壽字左營馬隊棚價自同治七年閏四月十五日起

概未給發計截至同治七年底止各營應領棚價制錢約兩萬餘千文以銀合錢約應領銀一萬數千兩其車輛一項該軍向章步隊每營給大車九輛馬隊每營給大車五輛每輛例價銀八十兩由各營官領價購備除該提督原部各營均已照章給領外其續設之副中左右後步隊四營應用大車三十六輛壽字左營馬隊應用大車五輛共應領銀三千二百餘兩該軍前次西征因秦中米價昂貴經曾國藩奏准自同治六年正月起無論員弁勇夫每名每月加發米價銀四錢五分在案

所有續設之壽字左營馬隊從同治七年閏四月十五
日起至年底止約應領加發米價銀一千餘兩又該軍
原設壽字前營馬勇額馬二百十四營哨幫辦額馬二
十六匹每百匹每年准報倒馬三十六匹每馬一匹給
價銀十七兩五錢同治六年分馬勇倒馬例價已經發
給營哨幫辦倒馬例價尙未請領計應補領銀一百五
十餘兩七年分照額應報倒馬九十九匹應領銀一千
七百餘兩而屢次打仗暨偵探公幹被害受傷各弁勇
丁共應領卹養等項銀二萬零三十五兩九錢要需該

提督以上年逐日征勦事平後卽整理西征不得不從
權辦理挪移餉項購辦帳棚車輛發給卹養米價馬價
稍爲敷衍亟盼金陵糧臺陸續籌撥以資彌補現該提
督接奉曾國藩移知該軍已奏定由江南月協餉銀六
萬兩此外各款未便再由江南糧臺另算籌撥等因此
後之協撥爲數旣屬不敷以前之積欠挪移又歸無著
辦理實爲掣肘合無仰

天恩俯念西事方殷劉松山一軍尤爲得力

飭下新任兩江督臣馬新貽依照舊案供支老湘月餉

其帳棚郵養等項由江南籌給俾該軍餉糈無虞缺乏
於山西秦隴防剿諸務實有裨益所有老湘全軍額餉
短絀領項虛懸情形謹繕摺馳

奏伏乞

皇太后

皇上聖鑒訓示施行謹

奏
同治七年十一月二十二

軍餉匱缺請

旨飭催以維大局捐

奏爲軍餉匱絕請

旨飭催以維大局事竊臣西征實餉前蒙

恩允部撥六成洋稅銀一百萬兩疊經催解僅准湖北
咨復飭江漢關撥解銀八萬兩交鄂設後路糧臺轉解
閩浙督臣借撥四成洋稅銀十萬兩浙海關五萬兩交
上海轉運局匯解其江海關之五十萬兩馬新貽函稱
年內無款撥解此外則并無一字見復統計西征實餉
年內僅祇江漢關八萬兩到陝閩之十萬浙之五萬雖

定於十月二十五日在解州運城匯兌明正或可到省
餘均無望矣以戰事論回首畏勦求撫其情甚迫項據
道銜知府署綏德州成定康稟土匪李登李雙良遞呈
求撫其情亦迫劉松山又已馳抵山西永甯州賊之畏
勦本在意中復見大軍進逼就撫之心益決臣與劉典
擬并圖之然言勦則必須儲芻粟籌轉運備行糧言撫
則必給口食籌安插開屯田兩者均非實餉到手通融
挹注隨機立應不可前蒙

恩准撥河東鹽課二十萬兩四川鹽釐二十萬兩臣懷

遵

諭旨以四川之二十萬兩撥歸甘肅以河東之二十萬兩撥歸陝西彼此就近提取稍期近捷然臣與劉典各軍已欠餉七八箇月未發雖河東鹽餉二十萬兩年內可以到齊而山西照常應解郭寶昌一軍及臣軍月餉自八月至十一月四箇月共計十四萬兩未解河東本欠慶陽雷正綰軍餉五萬兩未解是

奏提河東鹽餉二十萬除抵山西應解之陝餉河東應解之慶陽協餉共十九萬僅得銀一萬兩那東掩西得

此失彼於陝餉終無實濟其

奏提四川鹽釐二十萬兩甫准吳棠允撥三萬兩而陝甘委員在蜀勸捐已發各縣之貢監從九部監執照五千餘張則已經吳棠

奏請歸併成都重慶兩局餘均飭令撤繳是甘肅得四川見銀三萬兩失去捐餉二十餘萬兩也臣與劉典各軍月餉僅發至本年五月及前四月止已積欠七八箇月而年內入餉僅止二十八萬計尙不敷一月之放其勦撫之資更將何所指望乎陝甘窘迫之狀如此待用

之繁且鉅如此而

諭旨准撥之餉如此續奏山西四川之餉又如此臣計無復之一死曷足塞責不得不瀝陳哀籲

君父之前萬一陝甘危局得以瓦全臣可稍延殘喘

國家之福陝甘之幸亦臣之幸也倘陝甘將來或因無餉而致決裂臣無所逃罪而內外諸臣謀

國之疏畧有不能無遺議者伏念臣初次請撥西征實餉部臣以六成洋稅應夫豈不知各海關六成洋稅之早已提空也嗣請撥常年實餉四百萬兩部臣緩俟各

署奏到之日始議劃撥夫豈不知各省釐稅千數百萬兩本爲

國家同有之款各省可撥之款也臣原奏據陝西撫臣

署陝甘督臣陳明短缺實餉四百餘萬兩其各省現協

之款本不在內而部臣又誤將見協之餉歸併臣續請

之四百萬兩計算夫豈不知陝甘常年應撥之餉本不

止四百萬兩也部臣爲肅清之各省籌應留之款獨不

當爲陝甘籌應撥之款乎各省均專籌本省撤兵留兵

之餉獨不當爲陝甘籌用兵之餉乎至於安徽撫臣英

翰署撫臣吳坤修奏增郭寶昌馬步隊三千名合之該
軍入陝者七千有奇不過藉西征之名以留皖餉安插
皖勇名爲協陝實則無益於陝西之兵事而有損於陝
西之餉事又無論也應否請

旨飭下部臣籌撥陝甘實餉

飭各省督撫海關諸臣速撥陝甘實餉彼此至誠許與
急救危疆之處出自

宸衷獨斷臣之愚誠已盡於此伏乞

皇太后

皇上聖鑒訓示謹

奏同治七年十二月初十日

軍機大臣奉

旨戶部速議具奏欽此

官軍剿賊連勝摺

奏爲官軍剿賊連獲勝仗據實馳陳仰祈

聖鑒事竊十月杪及十一月初旬各軍剿賊獲勝情形業經臣等於十一月二十一日馳報并將分軍由山西兜勦先固河防調撥機宜據實陳明續據道銜知府署綏德州知州成定康稟報官軍自連破應牛寨霍家溝生擒匪目張萬雲斬之匪回張登第乞降留閩補用同知陳瑞芝受之十一月初八日成定康率所部進張家塢遙見匪衆千餘攻劉家寨甚急卽飭參將戴光明由

右都司殷忠廷由左而自率親軍及總兵喻先恕中路急進將進劉家寨賊騎數百由寨後小溝橫截而出突圍成定康及喻先恕先鋒親兵各隊成定康喻先恕皆下馬步戰親擎洋鎗連環轟擊斃賊數名鏖戰數刻各哨勇丁飛奔而至鎗礮齊施賊即敗遁步賊奪路狂奔適蔽光明山右路至截其去路羣賊回旂反撲成定康喻先恕麾所部截之寨民百餘亦持械追逐賊馳而左復與殷忠廷遇各路會集環攻頃刻賊屍填滿坑坎僅一賊目同十餘騎衝出此股悉數就殲計其斃賊千餘

獲馬騾五百餘匹訊據生賊供衝逸之賊卽頭目辛滿
城曾約同賊目張萬飛由義合堡內竄尙未到也張萬
飛聞辛滿城經官軍擊敗不敢內竄改由義合堡南竄
出攻陷雷家寨雷家寨距州城七十里十一日辰刻成
定康率師追之行抵薛家莊詎知賊已由雷家溝竄渡
無定河盤踞峪口海座灣一帶正攻王家寨成定康飭
陳瑞芝先赴河邊架浮橋是夜五更潛師夜起十二日
辰刻渡河進擊方半渡時賊騎數百蜂擁而至殷忠廷
整隊迎擊酣戰數刻戴光明率隊踵至賊皆下馬挺矛

格鬪成定康率所部由左路抄出賊後號鼓齊鳴賊駭而奔官軍乘勢掩殺追過王家山賊復回拒鄧萬盛徐尙清督隊猛擊戴光明帶洋鎗隊陷陣轟斃悍賊數十賊敗向張家台喻先恕股肱延率隊追至殿子溝邱家寨一帶收隊計是役共斃賊數百名生擒百名奪獲騾馬三百餘匹餘賊向清澗竄逸此成定康十一月初八十二等日痛勦高逆餘黨張萬飛辛滿城獲勝實在情形也見據成定康稟二十六日進勦清澗踞賊賊目李登李雙良辛滿城等畏勦乞撫臣等飭熟察賊情及安

插地方稟候核酌尙未接據續報其榆林一帶戰事已由金順馳報矣董志原回逆迭經剿敗兇鋒大挫然因飢掠食踪跡靡常十一月十五日探報馬八禮率回土各匪二千餘竄至隴州城西四十里之咸宜關運司銜陝西試用道喻步蓮卽於是夜三鼓率副將劉寶元總兵訥驪魁副將龔曉亭由曹家灣進天明抵咸宜鎮桐賊在黃家溝卽捲旂襲之殺賊三四百名生擒回逆魯三元洪包連及土匪周七等十餘名奪獲騾馬百數十匹十九夜提督周紹濂所部副將張大雄會剿竄擾中

部縣屬之五家原逆回斃悍回百餘騎其另股一竄西
家溝一竄宜君屬之偏橋而大股則仍踞店頭二十日
張大雄商同副將劉甫田李寶光各自防所率隊截之
周紹濂得報卽夜飭總兵董玉春扼降坊一面料理中
部城防親率所部及參將毛正明於是夜初更向蘇家
峴進行十餘里見村前火光知賊屯踞未動潛起撲之
賊覺驚號遠滅其火是時夜黑不辨賊數多寡惟視火
光明處轟擊賊衆亂竄人馬自相蹂藉分向店頭而遁
適董玉春率所部由四溝裏橫截而出斬馘尤多正收

隊間遙聞偏橋一帶鎗礮聲知張大雄周王林劉甫田等正在接仗周紹濂率隊向西布莊前進半路接探報知賊以四五百騎抗拒張大雄等營步賊急護所掠之牲糧向趙家寨王家莊而遁已經張大雄劉甫田周玉林前後夾擊斃賊甚多步賊盡棄所掠畜糧潰走周紹濂飭毛正明迅扼黎原而自率中營馳赴張寨時則皓月東升霜華皎潔遙見逆騎紛馳而來周紹濂麾各軍前截後追頃刻賊屍枕藉其墜坑塹死者亦無數計共斃賊千餘名生擒十餘名訊知逆目舒阿渾已於陣前

蕞斃矣兩路分竄之賊殲除殆盡僅餘百餘騎投歸店
頭大夥其首先竄過之賊約二三百騎則已竄至洛川
澄城郃陽白水等處倏隱倏現尙未捕斬淨盡此周紹
濂一軍截勦中部宜君竄掠之回逆兩獲勝仗之情形
也十九日回逆數千突入甘肅慶陽府屬正甯縣城知
縣黃紹薪率防勇巷戰正苦不支賊以空城荒寂一無
所掠旋亦退去新授陝安道黃鼎福建候補知府劉倬
雲聞警各率所部馳援二十一日黎明劉倬雲行抵正
甯四村原上甫成列而賊騎數百突至副將劉忠發視

鑑嵩督隊奮擊立斃賊數十名賊卽向南王原紛竄劉
倬雲令兩營列隊于家村自率各營列陣前進行抵正
甯縣南見城上旂幟森然知黃鼎之軍已至矣劉倬雲
以正甯兵力已厚而三水縣職田鎮空虛立飭四營收
回三水自率親兵與總兵徐萬福助黃鼎剿北原之賊
正拔隊間忽三水老營報到午刻突來大股回逆竄至
職田附近之羊坡頭阿塔坪等處肆掠距職田不過數
里劉倬雲急率隊回援三鼓後回營料賊敗必由大灣
南莊槐樹坡關家川首嶺嶺而遁令劉忠發祝鑑嵩及

都司王盡臣伏於關家川扼之自率四營向羊坡頭進
勦天明抵羊坡頭列方陣分左右進遇賊探騎擊敗之
各村之賊齊出抗拒總兵周玉堂徐萬福都司李躍騎
等奮威衝殺斃賊數百名賊向大灣疾遁劉倬雲知前
路逼仄催軍猛擊賊擠墜澗壑者無數官軍追出谷口
截賊爲二其大股向關家川鼠竄適劉忠發祝鑑嵩王
盡臣等馳至賊正回頭抗拒追軍不虞劉忠發等處關
家川溝中突起震懼失措官軍兩面夾擊斃賊又數百
名日暮收隊討其斃賊千餘名生擒二十餘名軍前正

法奪騾馬二百餘匹黃鼎於二十一日由邠州世店馳
援正甯沿途遇賊卽擊約斃賊百數十名收隊入城廿
二日追賊文家川知羊坡頭之賊已經劉倬雲擊敗收
隊回邠州而連日接據各路探報逆騎數大股分擾邠
州三水北境永樂堡底廟鎮澆場麻園東西牛家堡一
帶黃鼎擬俟賊踪稍定擊之二十七夜三鼓出隊馳四
十餘里天明上永樂原見騎賊方攻陷師家河堡寨搬
運糧食黃鼎飭參將林定遠截之而親率三營徑搗底
廟之賊甫至底廟原適師家河賊已經林定遠擊敗由

店子阿向底廟竄來副將李王春卽率親軍扼之而林
定遠又自後猛蹶而至賊窘威莫支皆棄馬跳巖求免
官軍併力轟刺無得脫者總兵韋占雄徑攻底廟原賊
方憑堡穩抗而麻園之賊又至知縣雷炯督隊截之正
鏖戰間韋占雄已督隊躍上堡牆堡中羣賊冒死由後
門竄走併入大股維時總兵徐占彪副將陳春萬趙興
隆皮昌魁率所部各營已破東牛家堡永樂堡之羣賊
均奔集底廟騎賊約四千餘步賊約七八百見官軍僅
四營在底廟遂四路齊撲兩營黃鼎布方陣屹立不動

調林定遠游擊何玉超從右路澁塲抄出賊後親督兩營指方陣而進遇賊撲進則鎗礮四面轟之賊卽旋卻旋前鎗礮亦再接再厲斃賊甚多賊向後路狂奔適遇林定遠何玉超馳至賊懼不得脫復分拔抗拒官軍夾擊之其向寺村旁竄者黃鼎麾所部截斷二百餘騎殲賊而奪其馬追至寺村賊紛紛下宮河原竄遁水礙路滑跌斃又多乃收隊回底廟而徐占彪等由底廟牛家堡收隊回營亦殺賊百餘名計黃鼎一軍是役其殺賊千數百名奪戰馬二百餘匹生擒十餘名而官軍陣亡

馬隊隊長儘先副將明占魁勇丁之帶重傷者五十二名維時劉倬雲率隊由職田馳至適遇敗賊從四村竄向郭家村卽整隊截擊復斃賊數十名訊據生賊供稱此次竄擾邠州三水北路之賊係回目白彥虎馬長順鄒阿渾等各股其間得彥雀偉卽崔三陳林馬正和等逆酋則方赴隴州求撫其黨赴水羅城一帶擄糧未與俱來此劉倬雲黃鼎兩軍十一月二十二二十三二十八日擊敗董志原逆回大獲勝仗實在情形也其另股渡涇河而南者擾及長武靈臺兩縣北路二十七日陝

西提督雷正綰督同總兵閻定邦先擊長武北路之賊
行抵封頭堡卽與賊遇雷正綰閻定邦督率衝殺立斃
悍賊數十名賊卽敗潰沿途追殺共計斃賊二百餘名
生擒逆回馬順兒虎秀哩正法奪獲騾馬二百餘匹賊
奔回董志原老巢適涇州知州林發深飛報回逆撲涇
州甚急雷正綰卽率所部援剿二十八日馳抵涇州三
十里舖賊已聞風遠遁涇州解嚴此股似卽馬正和等
分出掠食黨夥生賊所供水羅坡擄糧之賊也竊維董
志原回逆號稱十八營回目馮君福楊文智馬生彥三

逆已竄入金積堡所有夥黨均歸併白彥虎馬長順等
其禹得彥崔巍馬正和陳林等在諸回酋中頗稱桀黠
見因屢次出巢掠食均經官軍痛剿飢蹙日甚浼同日
肅清水縣已撫回目李得昌出隴州遞稟前來等公
同閱看情詞似非虛妄然撫之爲難較甚於剿雖未便
槩予峻拒絕其就撫之機亦未可遽許招安隨其緩剿
之計除仍開誠曉示外仍飭各軍迅速轉運芻粟約期
移營進逼慎以圖之所有見在各軍戰勝情形謹合詞
據實馳

奏伏乞

皇太后

皇上聖鑒訓示施行謹

奏

同治七年十二月初十日

軍機大臣 字寄同治七年十二月十六日奉

上諭左宗棠等奏官軍剿賊迭勝情形一摺高逆餘黨
張萬飛等糾合內竄經成定康痛剿獲勝餘賊向清澗
竄逸周紹濂一軍復將中部宜君竄賊擊退董志原逆
回突入甘肅正甯縣城並分擾邠州三水北境均經劉

俾雲黃鼎兩軍擊敗其竄撲涇州之賊亦經雷正綰馳
援解圍勦辦均爲得手惟洛川澄城郃陽白水等處尙
有賊騎出沒著仍飭周紹濂實力搜捕悉數殲除並飭
成定康將竄向清澗之賊迅速追剿董志原賊匪雖已
被擊回巢而來去無定仍當督飭各軍分投堵剿遇賊
卽擊勿令深入陝境其榆林一帶其邊外竄匪雖經金
順督軍追剿而後路必須有兵策應杜其續竄之路使
邊外之賊勢成孤立較易殲除且延榆綏沿河一帶尤
必隨處有兵截擊庶不至竄越鄰疆左宗棠庫克吉泰

劉典務當妥籌兼顧以維全局回目禹得彥等遞稟求撫未必可恃該大臣等當嚴飭諸軍奮力進剿懾以兵威察其真心悔罪酌量收撫方爲一勞永逸之計陝甘賊匪頭緒紛繁應如何入手次第剪除之處著左宗棠等熟籌方畧迅圖大舉毋稍遷延將此由六百里各諭令知之欽此

遊擊丁太洋勇額多缺請

旨正法片

再臣所部花翎游擊丁太洋自福建汀州投誠後由軍功從征閩粵積功保升都司前年臣過九江丁太洋堅

請入營投效上年隨臣入陝見其臨陣奮勇始令其募帶一營隨臣赴直隸山東剿賊洊保今職該員初猶謹飭西旋以後漸形驕逸不守營規彰德會隊以後沿途察其隊伍不整似有缺額因道途曉夜趲行不便點驗比抵西安結營西關外密飭總理行營營務處道員祝增才耀南按棚點驗竟缺額至一百四十餘名之多比調集該營親閱該營點名小操無可掩飾比將該營官撤退發西安府看管聽候參辦該營勇額亦經補足派員管帶伏念花翎游擊丁太洋由投誠積功保至游擊

充當營官不知感奮圖報竟敢缺短勇額至一百四十
餘名希圖冒銷錢糧雖月餉僅發至本年五月止冒銷
之餉尙未入已然貪詐情形業經敗露若不從嚴懲辦
何以肅軍律而儆效尤應請

旨正法軍前以昭炯戒伏乞

聖鑒訓示施行謹

奏

同治七年十二月初十日

軍機大臣 字寄同治七年十二月十六日奉

上諭左宗棠片奏游擊丁太洋所部勇丁缺額甚多意

圖官餉著即於軍前正法欽此